

山西和順縣縣志

和

登件番號

No. 2273

卷之十
下

藝文下

詩集

序跋

(25468)



陸機曰籠天地於形內錯萬物於毫端劉勰曰百年影徂千載心
在久大之業孰過於文哉謹按和邑舊誌所載若虎谷之奏疏上
格天心白巖之文稿夙微才藪以及呂涇野之行實錄李西夏之
叙引允堪黼黻楓猷爭光日月貯列石室金匱流馨奕禩惟是
文之士家擅金玉人握靈珠探觚染翰卷盈緗帙使遺而弗紀
懣何窮矧文章者性情之風標神明之律呂乃令古人之文章
傳於後人并令後人無由識古人之性情神明焉誰職其咎哉

重修和順縣志舊序

邑侯李順昌 新安

粵改周制外史掌志邦國小史掌志四方漢唐宋以後十道
 有志九域有志郡邑有志蓋志所以志美惡而昭鑒戒令不
 紀事覈實則勸懲不彰文以獻傳獻以文紀志之所闕甚鉅
 也和順縣舊無志創修於明神宗之十有一年和順令西夏
 李君繼元操觚其鑒定者守憲寅齊陳公校訂者汾州守白
 公夏學博李公根序簡弁者太史樂平趙公思誠和庠王子
 邦棟書真也訂卷為二分類為十有八迄今七十四年矣殘
 缺散佚魚魯難讀且七十四年之應載者更僕難盡此增續

之不容已也余博採老成兼咨輿論集文學士分校訂集余
手創彙分卷著類俱仍舊志闕者補之殘者訂之據事直書
惟存七十四年之實錄質浮於文以備徵考尚不辱傷於杞
宋乎夫前事之不忘後事之師也後有作者稽宦蹟而思治
睹鄉評而思賢覽山川土田而思興廢之故觀人民戶口而
思隆替之由道德一風俗同以踵美先哲而重光古道或披
卷嘖嘖曰梁餘文獻之邦也庶幾不朽盛事乎是役也修於
己亥之菊月竣於庚子之八月余首其勞學博白君毓秀鄉
先生胡君淑寅贊其成趙子漪李子開祥藥子延祚廣羅嚴

集余敘其畧云

和順縣志舊序

邑侯鄧憲璋

周禮以太史掌邦國四方之志志固史體也但史舉其要非
闕政治之大者例不得書以示嚴斷也若夫沿革建置之名
實山川物產之品類風俗之正淫土地之肥瘠與人文節孝
之芳穢巨細畢備得以寓經國愛民之意者惟志為然蓋志
者所以備史之不逮也和順為春秋梁餘子食邑邊晉省東
陲隸遼州北鄙鄰

畿甸接壤域四嶺環峙羣山盤曲居太行之絕巔一泓漳水深
洄郭外於形勝亦可觀矧茲山高道險溪澗奔流水固不能

載舟陸誠難以驅車商賈鮮至貿易不興民間以耕鑿為業
歎地石確成居穴處且春寒如冬夏無酷暑方秋隕霜將冬
霏雪其天時地利迥異鄰封寧不衣服衣而食糠食為山右
偏僻瘠苦之最久著於廣輿考舊無志也自古明神宗年間
縣官繼元李君始志之以年遠事湮應記載者多致失未忘
迨

國朝鼎新以來順治十七年縣官李君順昌補輯之大抵因陋
就簡亦未稱為全書况倉卒勒成字復漫漶不可讀憲璋以
戊申冬承乏是邑目擊諸務廢弛鞅掌吏治雖欲纂修之遑

巡謝未遑也隨為繕城垣招流離清逃絕編保甲立鹽法除
驛害理

學官種種大事次第舉行仰藉

諸憲臺大人正己率屬百度維新以致令行禁止弊絕風清上
體

聖天子加惠元元之意下俾諸縣令得盡心於牧民之事正不啻
以身牧之正不必以身牧之而百爾下吏靡不凜遵

功令即如憲璋 驚鈍無匹惟有益自砥礪以副

諸憲臺大人之心為心而牧茲土之民也於是撫摩不遺餘力

沈離集逃絕除保甲清城垣固興鹽利革驛弊

學宮亦從茲而更新俾其農安於畝畝士業於詩書衣能蔽體食可充腹於

國賦亦無逋負矣以和順至敝至疲之邑尚有今昔之異其如諸州縣之民富而且庶與諸州縣之長才敏而政成者洵復見唐虞之治歟然憲璋之不致隕越獲免罪戾幸陰其時之盛於所遇之隆也今

上令郡邑各修其志以備綜覈蒙

憲檄下徵竊念志者記也記一邑之所當記者也如方域形勝

之不可無稽也則志與圖建置深山邃谷之必有所出也則志山川物產若夫土地之肥磽人丁之增減糧徭從此而生也田賦戶口則志之好惡之正淫祭祀之舉廢人情由此而見也風俗祀典則志之若學校若職官若公署人才之所自興法度之所自肅也則皆志之若寺觀若古蹟若名宦稽古之所必錄去思之所不忘也亦皆志之至於人物之挺生選舉之接踵繫靈秀之所鍾而成也驛官不革鹽利不興則官民之病相關切膚也隘口為封疆之重祥異為休咎之徵誠古今所不可忽也再於為節為孝為藝文啟後人則做傳誦

之最大者何可不志乎故併筆之於志矣憲璋愧無史才兼
之寡識藉有老成在座軼事可考不自覆其拙而修成之捐
俸首倡務期接古續今備存其實以俟後之君子使為政有
據是志之有補於治也亦大矣計今日之共事者學訓王君
協慶卿紳胡君淑寅孝廉曹君文炳明經趙君漪杜君啟元
藥君廷祚諸生畢子昌齡杜子廷機藥子啟元張子日騰李
子開祥王子三錫相助為理者也綱舉目張條分縷晰雖未
合乎史體庶幾不遺志記之意進之

當寧覽形勝而知險隘之貴嚴飭也稽戶口而知生聚之貴休息

也察土田而賦稅猶宜調劑觀風俗而民情猶加教養憲璋
故不憚拮据勤渠亦盡吾心之所當為詎徒素餐貽尸位譏
哉

皇朝億萬斯年久安長治正宜修廢舉墜以大一統之志永傳之
千禩也夫

康熙十四年乙卯春日

和順縣志舊跋

劉順昌

余晉泉散吏也謫幕良有年記戊申夏抄 撫憲阿公命余
代庖和邑仲冬之望鄧侯蒞任受事自戊徂乙約歷八年所
矣今年春侯以期會如省暇余曰和邑志書奉 上檄重修
將付剗厠氏請君正之其間建置沿革保無有名存而實亡
者乎田賦官師保無有挂萬而漏一者乎災祥藝文保無有
月異而歲殊者乎雖云八年之隔而損益之宜皆不出於君
之見聞盍弁一言襄茲盛舉余曰五日京兆察識幾何似未
可以元晏自許也侯曰君於染餘八景俱有題詠考據靡遺

迄今膾炙人口君何謙讓未皇為余曰唯唯爰即作志之意而推言之專稽邑之有志即如國之有史也古者無史尚書春秋即其史嗣後屬遷班范以及廬陵涑水勒成一家言史學遂大著於天下故凡典厥邑者規其義類做其事例為附於周官外史氏之遺而亦以志名焉志不綦重哉雖然修志之要固與修史相表裏矣然余以為立體必欲其不紊紀事必欲其不誕修詞必欲其不祿而後可補良史之未逮今觀侯之所述其義類事例靡不單心編輯徵信考實而一切紊者誕者祿者擯而弗錄美矣備矣可以告厥成非具上下千

載之識網羅百代之才烏能勝任而愉快乎余又因是深為和邑幸焉夫和壤地褊小僻處晉之東陲不及大邑之一村一堡且也廬託陶穴畊跋山椒貿遷絕跡五穀鮮生其所恃為恒業者惟藝麻一事是賴而國之租稅出於斯家之衣食取於斯嗟嗟和邑獨為匪民也哉良由地利之不如其鄉之苦於鹽課而私販之充斥閭閻疲於驛郵而協濟之累劇似追道自定鼎以來官民交困久之惟侯竭力釐剔不惜一官為民請命變通不倦化裁宜人今已卓有成效至於繕城修學除耗清弊招逃勸農種種善政比皆侯之緒餘耳較

余代庖之時誠煥然改觀矣尤願侯不憚勞怨善厥終始務期足國裕民以成經方致遠之猷同和志永垂不朽俾後之官斯土者有所矜式焉余敢以是為侯勛諸

和順縣志舊跋

王協慶

皇上御極之十有二年使天下郡邑咸修

端揆之請也志胡為乎成修乎易曰聖人觀乎人文以化成天下蓋以車書一統之盛非此無以著同文也和之前古未有志有之自西夏李君繼元始考其時在神宗中年云迨至我朝上谷李公順昌重輯之讀其文稽其事率皆因陋就簡列補舊版而增損之終未語於全書且也和於三晉僻處下邑也遠據岩疆南箕山而北沾水西連晉陽東接邢州幅頓之廣延長幾三百里形勝可謂巨矣第崗嶺溪流居十之七焉城

市村墮居十之一馬可耕之地約十之二耳山川險阻道路
隔絕採風之使罕至其地志之缺畧在於此乎雖然志者史
之餘也太文則縛而不實太樸則陋而不雅摭拾過多則通
於虛刪削太甚則通於漏苟非夙擅通才簡練瞻典未可語
勝任而愉快也今

侯端甫鄧公以鮮華年少家世雲仍出宰和也且六七稔矣其
招逋均徭疏鹽清驛以至修學勸農諸務無不迎刃而解迨
修志之令下捧讀

憲檄曰唯唯於是參考舊書斟酌時務其中條則一遵河陝次
第示畫一也凡篇先列舊序存文獻也次列已言表變異也
凡事之有者必明其所以有之自事之無者必辨其所以無
之原以見可信而可傳也煩者刪之缺者補之其事真而實
其文核而典景物之修明賢哲之著作犖然俱備山川險阻
之區卓然成此全書焉是不亦補千古之未有也哉余也上
黨迂儒備員庠署親炙光輝者獨厚於他人因其書成以序
於簡末附青雲以聲施於後其有深幸也夫

康熙乙卯仲春之吉

和順縣志舊序

胡淑寅邑人

昔夫子思夏殷而望杞宋之徵蓋以存文獻也故周制職方氏掌天下之圖外史掌邦國之志小史掌四方之志漢唐宋以來志郡國志十道志九域則修志之典綦重矣但志之在他邑有山川之壯觀物產之靈異人才之蔚起土地之膏肥則凡為方物為風俗為政治為文章事無巨細悉本治定功成之烈以為廢揚太平之具吾邑處深山窮谷中石多土少貨植不興人文孤陋更兼數十年兵燹之餘城郭傾圮荏苒未精百姓苦於流離學宮荒於茂草利弊不清百務叢棘苟

欲以補救之術彼之篇章也亦甚難矣是以修志之舉前後
僅見於兩李公茲值

聖天子崇文重道正車書以昭一統之隆傳

諭天下重修志書甚盛典也吾

邑侯鄧公躬逢其盛於是酌古準今救偏補闕訪輯老成旁搜
遺典事事仍遵舊制既不使文浮於質尤不敢以疑傳信體
裁合矩可謂詳而有要矣獨是公之治吾邑也茹蘗飲冰表
見之業麟麟炳炳固所謂清而才者如城垣備而疆域固矣
保甲嚴而姦宄遁矣流遺撫而哀鴻集矣學宮修而文教成

矣蓋法疏驛苦革利已興而害已除矣且其告災籲困之文
起敝扶衰之事當不啻陳詩貢俗繪圖獻壯之意焉公正造
福於吾邑者哉夫前事之不忘後事之師也烏得不舉而並
志之倘後之志是志者不負其撫綏之責以至久道洽成化
行俗美方可為異日採風之助匪獨為文獻之徵也余長安
候補歸里公出其稿而示之因為之序其大畧云

康熙十四年乙卯春日

和順縣志舊序

曹文炳邑人

志也者記一方之事也志之意始於春秋春秋大尊君之義二百四十年之間屬時比事聖人隱寓其心焉故於魯國之史而備志列辟之事詳且盡也於是於建國之大小則書之生齒之增耗則書之年歲之豐歉則書之祥祲之有無人文之盛衰則書之非好繁也不如此則紀事編年聖人之心幾於晦且疎矣故朱子之綱目始於威烈所以繼聖心之窮也自此而降則郡載家乘稗官野史孰非體此意而為之乎邈明之興召天下郡邑皆有志而一統志又集其成亦曰各記其

事耳迫我

皇清定鼎三十一年矣前此未有修志之舉其始之也自癸丑之夏月始然而志亦不同矣他郡邑之志志繁也志盛也和邑之志志簡也志苦也何言乎爾和之置邑也星分參背地接鄴邢天文地域猶舊也而其餘有苦疲難堪者矣兵燹之後若以蝸蟻蝸蟻之後若以靈雨靈雨之後若以旱魃夫且協站若之差使若之以致阡陌榛莽若在荒蕪矣人丁逃遁若在戶口矣

國課負欠若在考成矣廬舍有傾頽之苦馬問生聚衣食有維艱之苦馬問詩書此其時幾不成為縣治雖欲志之安所存而為志之戊申歲

邑侯鄧公承令茲土心傷邑治之將墟也皇皇馬招徠之而哀鴻漸集也皇皇馬課墜之而蒿萊成熟也又皇皇馬修葺之而頹廢者完好也又皇皇馬訓誨之而游惰者絃誦也去其所甚苦而予以所甚甘乃於修志之役條之列之增之損之是能行之於先而言之於後也余固不為著作之難而為起敝扶衰而兼表明之難也書既成援而叅閱焉何其有倫有要知其為可信而可傳者也是能做春秋之寓意而學其明

備者也僭為俚言授之割剝夫亦日記一方之苦而有其成
效者早是耶非耶

康熙十四年五月吉旦

和順縣志舊跋

藥延祚

國家建官置吏與民最親切者莫先於守令而守令之司凡
簿書期會之文與夫科律版籍之帙莫不朝夕披覽之苦夫
沿革興廢名實變更得以寓其經國憂民之意者惟志為然
蓋志者所以備史之不及也和為遼屬自肇祜以來名之數
易不知經幾考之盲史云晉獻公使太子申生伐東山臯落
氏梁餘子養御臯落在今樂平縣之東鄉梁餘即和順為周
子爵之所受封也其地高其氣寒其田石确其俗險壘深山
遷谷之中多穴居而巢處鹿鹿于于衣不識錦食不識稻吳

於太古者幾希矣雖然瘠苦之民固異於膏腴之民而治瘠苦之政亦將異於治膏腴之政何也治膏腴者利在節宣治瘠苦者利在生全也和之民殘矣殘則存者安之流者來之和之民貧矣貧則匱者實之勞者佚之是豈損上以益下家至而人見之哉民不擾而始得安民不奪而始得實也為之上者生聚之又從而教養之膏腴可志瘠苦亦可志膏腴可志則擊壤歌是也瘠苦亦可志則流民圖是也惟我和侯鄧公寧是邑也生聚教養者已逾七載矣其所以因地設施隨時利濟已見於推行矣今於修志之舉又從而深切著明焉故能

媿媿而不竭也今日之修廢舉墜全書俱備覽其四至而山川風物可知矣按其經制而沿革窮變可知矣數其戶口而田疇子弟可知矣詳其教令而文事武備可知矣是不亦今日之披圖前古之未有者耶舍此勿究矣以致治乎審畫一日之恪守之知公之視邑事如家事而並窺其經國憂民之意不有裨于後之守土者乎古人云文章不關世道雖工無益吾豫知斯志之以邑而成而斯邑之以志而重焉爾書之簡末果有當於修志之意否

山西直隸遼州和順縣知縣黃玉衡為奉

憲纂修邑志以昭大典事乾隆三十三年七月二十日蒙

本州衛札轉蒙

布政司富憲札頃奉

院憲蘇面諭以山陰平魯等縣所呈志書尚鑿明季時較輯
其中記載語句甚多紕繆不經不倫大屬不合等因查志書
一項原所以詳記該郡邑等城垣學校山川景物編戶額征
以及鄉賢名宦忠孝節義彙列類載以備考採自應隨時刊
釐不仍不漏以昭詳慎何得仍沿前明勦說並不留心更正

除嚴飭外誠恐各屬亦有似此者合亟札飭為此札仰該州
立即飛飭所屬查明該州縣等志書是否尚係前明時考訂
其志內記載有無不經不倫悖繆語句速即詳查明確分別
刪改校輯呈詳察核毋違等因蒙此卑職隨查卑縣舊志係
康熙十四年鄧令纂修多因前明舊志其中雖無甚紕繆但
記載多訛於體裁殊屬不合迄今將及百年其山川景物編
戶額征為沿為革以及忠孝節義應宜臚列類載誠恐日久
湮沒相應設法辦理隨據閩邑紳士畢景杜士通等具呈前
來為俯循輿情重修邑乘以備國典事竊惟萬年之法戒昭

於汗青一代之休明始自郡邑凡屬職方圖籍總為

盛世之山河誰言蕞爾微邑無與王朝之文獻欲嗣往蹟端望
後賢和邑舊志梓於康熙十四年迄今九十餘載其忠孝節
義風俗沿革未經修葺湮沒不少今恭遇 老父臺學耀程
朱才雄班馬玉尺金鑑是非留三代之公石室蘭臺著述富
千秋之業方將紀言動於柱下何難勤纂集於華封伏乞訂
正糾訛搜羅遺文况此舉所費無多辦理甚易倘蒙准行政
典增光輿情允洽為此合詞具稟懇乞俯准施行等情據此
卑職 復查邑志以備考採懲惡勸善關係匪輕既經紳士等

以百餘年殘闕漫無稽考情願募修隨親詣明倫堂會同儒學
及諸紳士公議重修緣卑縣人物稀少紀載無多約費不及
二百金閱月即可告成紳士等已情願量力輸將倘有不敷
年職亦量捐薄俸共成盛舉並不絲毫累民當即酌立章程
延請平定州貢生賈訥協同紳士畢景杜士逾趙暉曹澈舉
孫劉嗣榮藥培全杜延興等設立志館詢訪叅訂聞有紕繆
之處即行刪改遺漏之處即為補添務期紀實傳信允洽與
情前經呈明辦理今已採輯成帙為比恭呈

繕本伏乞

憲臺裁度施行須至申者

昔

乾隆三十三年九月二十日驗

和順縣志舊序

邑令官稱親民撫循一方則必周知一方之故實於以生全
安養起衰救敝方無忝厥職顧前事之不忘後事之師徵文
徵獻實考鏡得失之林邑志之修詎可緩哉和邑隸晉省東
鄙居太行之巔羣山環峙二漳縈繞於郭外亦一巖疆也乾
隆丙戌夏余承乏茲土甫入境見夫居多穴處地盡沙石且
氣寒而風勁種植之利遠遼隣封是固瘠土也生計良艱矣
又見其民之務本力作衣不文繡而食鮮粱肉也勤儉質樸
唐魏之遺俗猶有存焉夫民勞則善心生不競不隸因其風

和順縣志

卷之十

十九

會而調劑之良有司之職也余力駕駘心股撫字竊欲鑒前人成績以明乎利弊興廢之由適披覽邑乘則其書簡陋失次且漫漶不可讀蓋和順之志自康熙十四年前令鄧君憲璋一加修輯迄今又九十餘年矣其間風物變遷政事損益與夫人文崛起墜里巷女士節烈非常之行所當採錄者何限况我

國家久道化成法制大備聲教所訖車書禮樂之盛遠邁前古和雖僻壤使不急為撰次何以信今而傳後戊子歲

上官諭各屬重新志乘廼謀之學博晉陽荆公開局纂修延平

定州明經賈任摠其役率邑中縉紳文學諸君子分任校讐遠稽近訪會萃成書雖體裁一仍舊貫而少變其例首卷列以國考復釐為八卷先地理次建置若田賦若祠祀及官師選舉風俗藝文莫不分門而別類綱舉而目張舊志之闕者補之訛者正之編既竣即於簿書之暇細加繙閱慨然曰是志也前以補九十餘年未備之紀載後以俾守土之君子一展卷而一邑之事瞭如指掌覽其疆域而封守宜固稽其物產而生殖宜繁農服田畝何以保聚之士游庠序何以教誨之父母斯民之心必有油然而動者上以副

聖天子加惠元元治益求治之意則邑志之有裨於化理夫豈淺鮮哉爰不揣固陋書數言弁諸簡首

晉

乾隆戊子歲冬月

賜進士出身文林郎知和順縣事黃玉衡撰

和順縣志舊跋

國家設官分治欲養惠元元計不能無所興釐然沿革變化具掌故非邑乘弗稽志蓋其重也 孔正以菲材秉鐸斯邑已歷十四載課士之暇嘗考舊志闕九十餘年弗紀則撫卷而嘆適楚南 黃公來蒞茲土 不佞數請事間及邑志均以缺畧為憾戊子秋奉 憲檄纂輯爰開館明倫堂修業齋仰邑中紳士搜羅往蹟照義例草成繕稿刪定既竣復囑 不佞繼言於簡末夫邑乘雖一方然合邑以徵郡合郡以徵省合省以徵天下而史出焉志詎易言哉要以邑所有者欲無遺所

無者欲無滋鑿往証今確為實錄斯堪述耳和邑當晉東陸
雖彈丸微區而要害繫之則區別疆域以辨星堊非可別立
天文為一門也氏居太行之巔商賈不通五穀鮮種僅以藝
麻為生活計觀人民戶口登耗之故起瘠藪祭為民父母者
宜何如加意焉邑雖小而鳴琴弦歌之吏代不乏人循良往
績班班可考非後事之師乎則官師有志且漳河環帶氣所
磅礴鍾為人杰瓊瑋卓犖若文章紀述今昔之故炳然足觀
則人物藝文有志且志田賦則起運與存留攸分驛站與鹽
引持著志祀典則祭器與樂章備載為廟與為壇彙詳其餘

以類見者亦弗紊遺是亦可得也已嗟乎為史者採輯易筆
削難廣蒐軼事博雅之士類能之至於定體裁嚴去取非其
人弗信弗從 黃公負海內碩望一言輕重比於衮鉞其為
和邑志也據事博立義嚴徵一時而信百世矣 不傳得以道
采風之愆且附青雲之會抑何厚幸歟今

聖天子文教誕敷海宇同風凡有茲土者當以時繕輯以備考覈
三晉為西昆重鎮而和邑僻處山隈稽察匪易此公志所宜
嚴且詳也 不任曷足以識之第跋數語於後綜其概以告成
事也云爾

昔

乾隆三十三年歲次戊子應鐘月吉日歲進士和順縣訓導晉陽
荆孔正謹跋

和順縣志舊序

歲在乾隆柔兆閏茂之春余設絳梁餘通使君楚南黃公
來涖茲土下車始諄諄以修志為念諸務繁冗未遑也越二
年戊子秋政通人和百事具舉因於謁見之餘囑余纂輯其
事余以鄰治父母命義不獲辭爰不揣固陋僭邑中縉紳先
先畢君景趙君暉曹君澈畢君錄杜君士逾劉君嗣榮杜君
延興藥君培全等因舊志而編次焉昔康對山叙武功志七
篇首列地理終及藝文其中建置之沿革祠祀之典要以及
則壤成賦則有田有里有戶差其等惠我嘉師則某賢某廉

某能著其績而且人才不擇地而生天道每因時而示變則
慎選舉教休徵網羅古績廣蒐異聞亦考古鑒今之一大節
目也夫和邑舊有志初始於萬歷十一年西夏李公繼元重
輯於順治十三年上谷李公順昌三成於康熙十四年鍾山
鄧公憲璋凡所志地理建置祠祀田賦官師漢風與神靈之
者亦綦詳且盡矣余何人斯敢贊其殿亦惟是繼刻前帙博
採輿情再叅以百餘年來軼事庶集腋以成裘纂組而摘錦
早作夜思與諸先生共相叅訂期不負我 父母闡揚百餘
歲人物風土政治盛衰得失之至意云爾是為序

昔

乾隆三十三年歲次戊子秋八月石艾歲貢生賈詡撰

續修和順縣志舊序

和邑之有志乘由來舊矣其始也創於明季之李君繼元其繼也修於

國朝順治十三年李君順昌三修於康熙中之鄧君後又修於乾隆年間之黃君一志也而前後經四名手之參訂詳矣盡矣其蔑以加於此矣顧天道每十年而變人物慙一日即殊前既有古人後亦有來者來者可徵文獻而知已往之陳蹟古人安可無謨述以資後來之見聞哉則邑志之修固不可以緩也和邑古梁餘子食邑居太行之巔都燕豫之壤旁列

十景水合二漳固巖疆亦勝地也光緒戊寅冬余來宰斯土披閱邑志見其書僅四卷紀載亦不甚多蓋自乾隆三十三年經黃公玉衡纂修以後迄今百餘年矣余見其年湮就沒悵然者久之因歲值大祲四野嗷嗷賑賑辦捐不遑朝夕欲即前志而補修之固有志焉而未之逮也已卯夏奉

爵撫憲成毅伯曹札飭各州縣志書一律修輯卽照舊志原分門內挨次編纂等因余捧檄之餘喜甚爰謀諸邑中候選教諭之貢生吳君萃拔貢生杜君衛康生藥君效仙設局纂修延蜀北甲子科孝廉馬公如筠總其役率邑中紳士等分任

校讐廣採博訪編輯成書其卷軸之次第及各門之前後一仍其舊惟是百餘年之風物災祥與夫忠孝節義仍分門類續刊二卷附於舊志四卷之後不必改絃而易轍自然網舉而目張書既成公餘繕閱一過不禁喟然曰是志也所以續前人之美善開後來之見聞發潛德之幽光照忠孝之苦節俾城鄉士女聞風而奮然振興則其有益於風教者豈淺鮮哉故先夫余者纂輯於前余不敏亦踵事於後更願後之視今猶今之視昔補偏救弊振舊從新不以因陋就簡見責是則余之所甚幸也夫

音

光緒五年歲維單閏嘉平月署和順縣知縣陳守中撰

和順縣志舊序

梁餘皆山也邑設於深巖邃谷之間俗樸事簡守之者稱易治為是地雖僻而毘連直豫舊為全晉東藩第一要隘設文武負弁七營房九四嶺扼要處皆屬邊防盤詰奸尤不為不嚴官於斯者宜若何慎重周詳奉職思稱以期不負所守而民習狃於便安少有措置輒苦煩擾為之治者似易而實難歲庚辰余由平陸調補斯邑同官舊好為余不平以全省十三瘠缺之最幾無自存理余曰否否缺小則耳目易周事少則精神易注地瘠則度支易儉何地不可盡吾職何事不可

盡吾心者况太行巖巖去天而近登峯溢想頡頏青雲搔首
問天一吐肯中奇氣以自抒囊括天地睥睨一世之慨亦大
夫得志於時者之所為乎造物弄人一官濶我天之厄吾過
殆欲老吾才耶和順自大被後人氏逃止積苦之區重以凋
敝元氣大虧余先辦保甲稽查戶口額田三十六萬餘畝新
老荒未及查辦者幾及十萬之多加以清漳為患衆流助虐
連年水雹歲又歉收逋負之戶多於良民明知賢王虎谷中
亟贈劉大令序有云邑以貢賦不時集為憂然則賦稅積疲
自昔已然何況今日催科撫字在在為難知其難而不敢談

為難一年以來日夜淬勵思所以養而常恐奪其所養媿無
以教而常懼失其所教凡所興除摠求切要事事鉤稽志乘
其一也舊志乾隆三十三年黃公玉衡修後迄今百數十年
前任陳公守中奉

憲開局續修年餘延邑明經杜蘅數人纂修未合糾誤補遺
之旨經費支絀余為節靡費停局數月專事採訪纂修之役
身獨任之博綜載籍旁搜故隱兼採輿論稽其所未當章其
所未顯益其所未備核其所未實據事立言揆義定法變通
舊例泰酌新裁三月成書共計十卷噫信今傳後難矣不敢

自信也同鄉王大令家坊具著作手交卸榆社便道過舍互相商確商其所為養商其所為教且商其所為守若余紡織教民書院課士緝捕移兵諸大端一一筆之於書雖然此特盡吾職盡吾心而已宰官救時講求利弊誰則無之而公心少雜私心善政卒流弊政甚或封阿黨墨名實混淆要之盡職者得安其職盡心者共諒其心卒收實效與否皆天也非人也日者邗台以東則告旱矣榆太以西亦以旱告矣北接平定告旱尤甚而南距遼州經八十里步橋亦無應日吾和藪爾一隅雨暘應時獨保無恙謂非天哉若夫生聚之謀殆

十年計是所望於後之賢使君也何事余言

嘗

光緒七年七月下浣知遼州和順縣事古越魯燮光撰

和順縣志舊序

邑志猶國史也古者列國皆有史官掌記時事以備太史輔
軒之採周制有外史小史掌邦國四方之志故孟子舉晉乘
楚檮杌與春秋並論志與史名異而義一實相為表裏者也
自秦廢封建文獻無徵史亦隨闕漢唐以下史氏代興記載
林立內而郡縣外及疆域無不有志然邑之志未詳也有明
之興始詔郡縣立志統志所不能備分載郡志郡志所未能
盡詳於縣志凡夫山川土田文物風俗有關於生民之利病
而可為教養之資者咸得備書志之有係乎史者實非淺鮮

和邑縣志自

國朝以來凡三輯修迄今又百餘年矣其間政治之得失人物之變遷川原田賦之殊士習民情之異風會所趨得毋有今昔異形者乎嘉言懿行忠孝節義之風此百餘年中其潛德幽光得毋有埋沒不彰者乎邑志缺畧則晉乘不全將何以傳信於將來垂典型於後世乎丁戌之歲三晉存繼升任大中丞威毅伯曾公會各大憲請

命於

朝賑恤招徠撫摩而噢咻之億萬生民賴以蘇息當博濟功成之後謀轉移澄叙之方爰有重修晉志之命當是時陳公守中實權斯邑乃網羅舊聞考徵軼事旁搜博採迨綴成篇草創甫經旋即却事繼之者為魯公燮光就陳所定更加刑輯未幾亦緣事被議志不克竣壬午秋兆熊承乏之士公餘之暇急取二公所輯詳加叅閱魯公之書未免過畧應仍以陳公所輯為準惟才乏三長荒鄙寡識何敢當信今傳後之任擬即於二公所定而折衷之願以甫經蒞任一切興廢舉墜庶務殷繁執掌簿書日不暇給加以病魔纏擾動輒經年欲踵成之而未遑也臯川岳君雲卿先生高才碩學兼古今

北熊素慕鴻名願未親炙今年春禮聘來和主講雲龍書院朝夕過從論文外語無旁及蓋品學兼優者晤對甚相投矣因出舊志並陳魯二八所輯併以相屬請其重加纂輯以成盛舉岳君不獲辭慨然操筆分體辦例獨具心裁復延攬邑紳文學名流共勩厥事如吳君萃舉君承宗等之採訪考訂藥子效仙王子玉汝等之輯次繕清校正則有學博宋公司局則有邑尉王君皆所為有功於斯志者也自始事以訖竣事凡三閱月而書成因共執卷以示北熊且屬以一言為叙嗟夫文以載道道以文傳言之無文其行不遠是志也典麗

喬皇筆書兼有目張綱舉條理井然非岳君筆削之功不如此非諸君子贊匡之力不為功北熊何有也第念前賢今經始創修之勞又樂得諸君子相與圖成之速雖欲弗言惡得而弗言謹為詳其巔末以志梗概至此志之成叙論詳於舊志予奪衷之輿情提綱挈要不漏不支則又秉筆者之精密審詳足可與史筆相輝映者北熊得挂名簡末亦已幸矣又何叙之敢云

光緒十一年歲在乙酉冬月吉日知和順縣事大定左北熊撰

和順縣志舊序

自周官有小史外史之掌而漢唐因之以志郡國志十道則志與史名目雖分而要其整飭而修理之者史必兼具夫三長志則以三長而折衷於一是率而操觚斷不能以酌之古者準之今即以信之今者傳之後也和志之增修也肇端於己卯其間兩易攝篆而迄無成功大抵舊志未臻完璧陳魯二公之續修繁簡亦未盡適宜夢卿左候自壬午抵任後公退之暇即合新舊志而參考互訂正其訛核其實補其缺刪其繁討論修飭之兼資因革損益之並用總期斟酌盡善以

備採風問俗之資而勉副諸

憲台輔國轍家之雅於今三年書未成而規模悉具矣乙酉
適承之於雲龍書院請謁之次出色志以核對屬夫窮鄉末
學未耄而荒本非范沈姚魏之徒安知此事屬時之創義不
獲辭爰受而讀之竊幸往哲已示之準繩時賢早詳其義例
更賴邑中諸名流彌縫而匡救之遂使枵櫟庸材亦得與於
斯文是役也承認沿訛之悉屏獵豔開靡之胥捐以由舊者
增新非敢出而問世也亦惟信以傳信無廢乎 侯之始基
而竟其緒 侯雖讓美弗居誰得而掠其美也獨是世所重

於 侯者著述其餘焉耳以真實無妄之資挾緩急可恃之
且歷任煩劇率以振作人材為先至法良意美淪浹於萬眾
等處之人心更僕幾難悉數而其最係人思者署臨泉則膏
雨祈三日之甘徒步登山崎嶇經百里而遠攝翼城則棚規
葦百年之陋籌資抵款公私合兩美而全所以口碑載道與
頌盈途雖時過境遷不泯於人心之睹戀今宰和邑山僻小
縣耳而生聚教訓凡有裨於民生者實政固弗載實心以出
茲復鶴俸首捐纂修邑乘俾數百載之流風餘韻再傳彌耀
簡編百餘年之潛德幽光一旦胥經闡發他日大展抱負立

朝廟而潤色昇平不當如是哉幸蒙不棄謬與校勘方藏拙之
未遑乃驥尾之竊附何幸如之而何愧如之把卷流連惟深
喜和人之得慈父母也於是乎書

者

光緒十一年冬月望後三日

勅授承德郎內閣中書丙子科舉人樂平岳宜興序

詩集

靈濟宮聯古句贈寅長王君知陝州

奎光樓成集唐句

虎谷

題聖澤井

許狀元

分賑

清河泉

鄒獻卿久勞於事邑宰慰以前韻

李順昌 邑侯

王鳳雲 都御

石玠 提學

李順昌 邑侯

李繼元 邑侯

喬宇 尚書

弔王虎谷

李陽村

踏荒警寇時梅雨

過寒湖嶺有感

張大尹正儒名宦

黃榆古戍

前題 次韻

八賦晚霞

前題 次韻

九京新月

前題 次韻

鳳臺異形

前題 次韻

風撻石鼓

前題 次韻

松子香風

前題 次韻

漳水環帶

趙思成 給事中

蘇宏祖 邑侯

楊崧 邑侯

王道行

周鉞 邑侯

劉順昌 知縣

周鉞

劉順昌

周鉞

劉順昌

周鉞

劉順昌

周鉞

劉順昌

周鉞

劉順昌

周鉞

前題次韻

雨洗麻衣

前題次韻

俚言贊麻衣道人

合山奇泉

前題

西溪靈井

前題次韻

前題次韻

劉順昌

周鉞

劉順昌

趙爾觀

王雲鳳

蘇宏祖

喬宇

胡淑寅
邑人

趙漪
首生

前題次韻

西山踏荒有感次邑侯蘇公韻

丁亥三月三日遊山寺

其二

石鼓

過寒湖嶺有感

別邑中士民
有序并詩

却篆偶題
有序

慰邑侯雷善卿先生丁外艱即以贈行

趙浚

趙漪

黃玉衡

前人

前人

前人

清鄭玉振
邑令

清余光超
邑令

清鞏對揚

重修雲龍山落成紀事

陳熙健 邑令

訪得石樓院藥太僕殉節井

魯燮光 邑令

朝坡村訪農家九老 內有百歲老翁

前人

前後虎峪村登山謁王尚書總憲二公墓

前人

九月重九謝雨人孟鳳樓登雲龍山

前人

重九日同趙蔚堂大令登麻衣雲龍諸山

前人

其二

前人

九月朔有五日僧胡星輔大令登雲龍山

前人

陪侍魯瑤仙堂台謝雨人春軍遊雲龍山率相孟文福

錢楊春野車薦入都詩

李枝茂 江西水亭人

其二

前人

其三

前人

其四

前人

過寶帶橋入大明有感

楊曉灼

過蘭谿縣城十里泊山崖下有感

前人

三月三日偕友登雲龍山作

劉洪闢 邑侯

九月中浣陪賴刺史華峰重游雲龍山之作

前人

其二

前人

其三

楊春野先生贊

吟四景詩

謁王公祠

庚戌重九偕孫通守維生暨幕友任君武亭族兄寶梁作登高之游偶憇於此留題以誌

其二

過八賦嶺吟

遊雲龍山吟

前人

魏獻書

楊廷采

劉洪開

前人

前人

郭海林

前人

遊雲龍山寺題

餘城眺望

風過石鼓

遊雲龍山吟

風過石鼓

遊麻衣寺題

遊雲龍山吟

頌大尹張友龍先生治偷善政題

次郭瀛東先生原韻

前人

前人

前人

張夔典

前人

前人

王樹倫

郭海林

王樹倫

靈濟宮聯古句贈寅長王君知陝州

中年苦作別况此平生遊

儲璣

夜來愛明燭欲去且復留

邵寶清

尊信奇物銘我萬古愁

毛紀

俯看春浪生沉沉一虛舟

石瑄

道人

地自靈風雨撼龍湫

喬宇

方春豈無贈柰此柳未抽

何孟春

冰雪釀

餘寒先生五城樓

陳欽

健馬當厯坂終為伯樂求

宋吳鈞

未全試

奮激鬚如虬

儲璣

嵩雲為君開倏忽當軒流

石瑄

笑談擬周召生

鎮東西州

邵寶

遺風續甘棠懷賢勿輕邱

石瑄

正途在伊洛吊古

且迴輶

喬宇

秋哀潼關戍凍恤閩鄉囚

儲璣

律學新可讀兵機慣

能籌

喬宇

誰言將送煩疇見疲瘡

石瑄

興神動高咏響振山幽

幽邵寶 吾生本慙直不識絃與鈎儲瓌望鹿者何人豈雪此額羞
危宇 壯哉烈士志難與俗子謀邵寶賦非湘水弔書待周南修儲瓌
放歌不能能仰見星河浮陳欽一笑送君去天未生清秋毛紀

奎光樓成集唐句

李順昌 邑侯

樓臺橫紫極楊炯

霽色蕩芳辰王

昭寶

彩筆凝空遠神慧

江花入興新

手嘉

氣衝星漢表鄭愚

文聚汁牛津顏真

東閣邀才子劉長

青雲

滿後塵杜甫

虎谷

王鳳雲

都御

深山草木稠結廬向虛敞盡日無人至禽鳥互來往讀書心力倦

手曳青藤杖出門何所之獨坐碧石上山頭白雲生我心自蕭爽

田夫驅犢來喜道桑麻長

題聖澤井

石

玠提學

洙泗淵源萬水東偶忻一眼在斯鍾井泉百尺常行地老樹千年
欲化龍芹藻晝晴香不斷宮牆春靜潤無窮余亦濫叨斯文寄補
益全無半句功

許狀元

李順昌

再見

大對元朝第一人存銜存姓何名湮或嘉書爵同胡筆還樂藏
名抱楚珍元禮魏君合秘符靜修劉子問遙津清風經火彌芳烈

豈沒荒郊草莽臣

分賑

明神宗癸未歲予初任值本縣早甚飢民流棄柳井蒙

上賑濟予分給四鄉民

事繼元

皆鼓舞喜而賦此

山國炎炎久渴泉偶從分賑過東川
閑花帶笑迎征輅飛鳥窺人
下野田童歡呼霑化雨村墟爐爇喜生烟
踟思上流民賦媿我難圖鄭伏箋

清河泉

喬宇尚書

萬斛明珠地湧泉
蒼經應載品通仙
松蘿上映峰頭月
蘭芷中涵沼內天
興到臨流嗟逝者
歌成呼酒浚陶然
茲遊記取名鐫處
嘉靖時維亥紀年

鄒獻卿久勞於事邑宰慰以前韻

看山未已復觀泉
父老爭誇客似仙
簿領適逢多暇日
風光剛及小春天
早接鸞帟非徒爾
暫試牛刀信偶然
海內知音能幾遇
訂交吾亦愛忘年

弔王虎谷

趙思誠

給事中

先生剛介震人寰
未獲摳衣覩鳳顏
學政昭明秦日月
文章吞吐晉河山
天空咳嗽清孤鼠
嶽立風裁起懦頑
幸有遺容千古在
文光猶射背參間

李陽村

蘇宏祖邑侯

千秋尚有李陽村落日西風弔古魂
毒手遂成逐鹿事老奉終怯
溫麻盆深山何處龍鱗卧故壘
蕭然燕雀存池上英雄今已去年
年池水為誰喧

踏荒警寇時禱雨

楊崧邑侯

梁餘山北草如烟狡寇何未盡
控弦不意克封成虎穴那看飛將
奮龍泉輪蹄驛路籌無策雲葉霏
微祈有年憂國披衣中夜起長
廊翹首祝蒼天

過寒湖嶺有感

王道行邑侯

征途公役幾番來石路重重點翠
苔野鳥翻翻依樹轉山花馥郁
向人開清溪最好消塵思佳木豈
甘作栲材因憶十年窗下對蕭
蕭孤劍且深杯

張大尹正儒名宦

君掌梁餘四十春梅鳩鶯羽步前
塵臺城半識英雄氣山署全開
郎宿神瘞塵水湖鸞鳳集埋輪
霜嶽虎狼馴風流郁烈鬚眉在
俎豆蕭光萬古存

黃榆古戍

周鉞邑侯

山形秋色勢相宜自古乾坤險是
奇怪石籠雲蹲虎豹枯松挂月
走蛟螭一夫隘口身無敵匹馬
峰頭力欲疲林藹野烟正愁絕
行

人指點不須疑

前題次韻

劉順昌 邑侯

巖關千仞古今宜
遙望黃榆分外奇
老樹扶疎高燕雀
殘碑磨滅隱龍螭
秋風隕箨來偏早
朝日升輪度每遲
自此一夫能守險
將軍何必過憂疑

八賦晚霞

周 鉞 邑侯

上黨東來翠嶺餘
梁餘西去碧雲垂
巖嶂石燈羊腸遠
洶湧波濤鼙鼓捷
行處縱橫多鳥跡
望中寂寞少人家
夕陽殘照無今古
孤鷺長空帶晚霞

前題次韻

劉順昌

八賦橫空路甚賒
巖岬千丈半天遮
懸崖鳥雀未由下
峭壁藤蘿何處搨
嶺底羊腸千萬徑
關前蝸室兩三家
衙齋久矣標堂額
何用梁餘餐晚霞

九京新月

周 鉞

吏隱長年祇宦情
西風一笑出郊行
忘機驅鳥沙邊卧
跨竹兒童馬首迎
路入九京游衍處
人留千載古今名
一鉤懸挂林梢月
恰到巖城已報更

前題次韻

劉順昌

古人原自重交情
文字叔舉從此行
偶爾游觀樂未艾
同心言笑

和順縣志 卷之十下
五
喜相迎可憐設辨九涼上徒有知人二字名新月年年照野壑如
何人物幾遷更

鳳臺異形

周 鉞

疊嶂迴巒漳水滙崇岡一似鳳來儀風松乍作簫韶奏露草還吟
萋萋詩天半朱霞增壯采雲扶旭日望中移臨印舊有求鳳操西
去長天不可思

前題次韻

劉順昌

高臺漠漠落漳滙萬丈流霞壯羽儀六象平鋪堪繪譜九苞輝映
可題詩河東應運誰為主冀北朝陽老不移丹詔時同紅日近凌空

一望發深思

漳水環帶

周 鉞

百雉孤城開兩洲南溪北澗櫓東流三門作品題清談二水成人
泛白鷗向晚雲收涵兔影入寒潦盡見龍湫危橋跨處堪圖畫高
咏滄浪興未休

前題次韻

劉順昌

不信人間有十洲今逢雙澗水交流陰山浪捲疑翔鷲嶺濤飛
起宿鷗前輩文章推虎谷環城襟帶賴龍湫臨河欽度濯纓志極
目南池奮翼修

風搥石鼓

周 鉞

幾度曾經此巖過一規石鼓委山阿琢磨或類宣王制吟咏誰賡
韓子歌路險力疲頻駐馬雨多溪漲怯凌波懸崖隱約風姨手水
底填填夜擊鼉

前題次韻

劉順昌

石鼓曾經目擊過如何零落在山阿規模是否符型範文字有無
足嘯歌殊異岐陽太狩竭豈同雪浪小文波山中疑有妖蛟舞代
爾如搥水底鼉

松子香風

周 鉞

萬壑千巖一夜霜恍看雲樹兩蒼蒼懸崖老幹虬龍霧偃蓋新枝
鳳鳥翔有約不違黃石履無緣可到赤松鄉乘風度嶺蕭蕭起松
子吹來桂子香

前題次韻

劉順昌

何年甄種飽經霜老幹虬枝氣色蒼日為蓋遮常叱馭鳥因濤拂
幾迴翔青青陰傲寒冬歲謾謾風迴醉夢鄉况有後彫持晚節應
同柏子噴天香

雨洗麻衣

周 鉞

神僧此地事精修宋祖當年誓過劉金甲拋來無卧榻麻衣着去

不迴頭北安香火虛千載南度衣冠闕一邱
雨後登碑頻悵望極天芳草正悠悠

前題次韻

劉順昌

廓外招提山徑脩天台此日又逢別人知
麻故衣藏筠誰信雨過石點頭和高燈傳
存古衲寺門雲鎖即丹邱曾聞宋祖勤祈
祝赫濯如何久且悠

偈言贊麻衣道人

趙爾觀

綴補麻衣耐歲寒千章喬木與禪安
祇因郊園幾斤盡怪得仙人破塔看

合山奇泉

王雲鳳 再見

四月清和雨霖時未携父老拜神祠

四月四日 蟠濟聖母誕辰故云

簷前燕雀多

新篁橋畔松楸只故枝環抱東西南壁合
周迴三十六峰奇靈泉兀足經今古旋渴
旋流誰使為

前題

蘇宏祖 再見

四月無雪鬱蒼蒼林水悠然自一方地
老龍蜿纏石筍月明笙鶴過滄浪雲林忽
作千家棟靈澤還滋九畹香縹緲三山人
不見醉携騷雅嘯芳房

西溪靈井

喬宇 再見

千仞靈源鬼鑿開，真從一竅洩胚胎。龍石底能潛見雲，雨裏中
任任來。地界遠分梁子園，山形高枕趙王臺。西溪勝跡堪留詠，徒
倚蒼松坐碧苔。

前題次韻

胡淑寅
推官

一望峴巖萬壑開，西山爽氣抱龍胎。泉飛壺澗松聲合，雲暗荒城
雨色來。六月長天猶縱酒，七年此日復登台。石龕空寂靈芝冷，獨
對殘碑弔綠苔。

前題次韻

趙
漪
貢生

步入幽谿巨壑開，寒泉石底瀉靈胎。潭空時見閒雲起，亭敞頻邀

爽氣來。曲磴斜通松下路，輕霞高鎖嶺邊臺。前賢題句藤蘿隱，我
為前賢拂碧苔。

前題次韻

趙
浚

曲曲幽幽小徑開，龍潛深窟浴靈胎。氣噓霧湧山環點，珠吐泉飛
雨細來。佳詠常留三絕字，霸功止見九層台。當年墨跡風吹散，澗
壑增顏長綠苔。

西山踏蝗有感次邑侯蘇公韻

趙
漪
邑人

山原無復草芊極，日垂涕總石田苗。湧飛蝗時作隙空，含穗登
日如年秋未不獲。瞻雙穗歲盡誰輸供，俸錢情願彼蒼何不吊。教

和僧詩
卷之十
九
敬鴻雁倩誰憐

丁亥三月三日遊山寺

黃玉衡 邑侯

被嶺崇崗殿一巒松風三月倍增寒峰高似削仙人掌寺古猶懸
道士冠望去好山環繡幙行來佳氣襲芳蘭山僧不下情和雨惟
問香岩濕也乾山頂有三岩將雨則滴水

其二

清淨無門夢若懸雲烟縹緲洞中天千尋砌石窺樓立幾處喬松
抱佛眠過眼春秋僧有待留人風月更無緣超然迥出人間世勝
讀南華第四篇

石鼓

誰未考擊事山中一石天然鼓製同雨過苔生釘隱隱風鳴谷應
聲達達規模不異周宣舊雕琢猶存魯匠工故是凡夫搨不得傳
奇因說蜀魚桐

過寒湖嶺有感

高低山路踏晴沙一水盈盈帶徑斜萬壑烟光秋入畫滿林霜葉
麗於花羶羊牧慣邨多畜熱斧聲喧地不詳我為勤民經遠役寒
湖行處問庄家丁亥歲秋八月念八日賦

別邑中士氏有序

鄭玉振 邑令

嘉慶元年余以進士謁選得晉之柔餘逾一載二年冬奉

使於潼關蒙犯霧露偶得採薪三年春以疾告拙邑紳商聞知
環署挽留情詞切至因為收回告章密令馳遞既得請却篆
五里士民後至者復皇然傳告率十百人赴會垣請於大憲
乞於在治養疴比聞憲批該令求例不合哀悵悵而歸余承
之茲邑為日不多且無善治乃臨行父老攀留如以余自問
不知何由言之不增余愧乎然戀戀之情終不可沒因作是
詩以誌別

捧檄向梁榆濫等歲已暮政暇頻問俗早知邑僻疲茲邑太行巔
逕側少通達黃壤雜沙石播植多非宜人烟亦寥落羅布異星棋

所賴在生全曰惟富教之而余企此訓學拙未能施尚恐負國家
素餐位空尸位屬緬皇華於役西秦陟歸途冒星露偶傷蒲柳姿
胸懷不自得治理荒於嬉及茲歲已晚遠賦歸來辭升沉纔欲發
士庶趨壻壻謂余病勿藥敢請緩斯頌其令導且至盈路動嗟咨
余亦感此意哽咽涕幾垂勉爾收去檄縉史載星馳上官余我請
許我臨田期胡為彼耆老緬念終相追傳語赴并境十百紛相隨
重趼三百里夜光忌晨炊皇然告太憲薪遂挽留私憲德隆山岳
非不允所為吁嗟此邦民念我情何疑而余問寸心得失豈不知
邠留一湖水為汝救年饑得此辜我位如彼借新時行行重余念回首

漳水涸枯腸據浮語留以知戒思

却蒙偶題有序

予乙丑釋褐蒞和三載迂疏寡效而于役甘藺襄事棘院僕
僕者迄無算歲今秋以憂去迴思往事彌滋慙悚也爰紀一
絕以誌余過

三年為政事迂疏况值奔馳力未舒今日皋魚徒泣血憑何報績

達宸居

慰邑侯雷竹卿先生丁外艱即以贈行

清
鞏對揚

行山陟嶽望燕山千里勞人夢早還易簣未能聞治命招魂空自

想慈顏者英預會思溫洛作述多才識馬班借冠無從難挽駕淖
流嗚咽響海瀛

哀訃驚聞動通遯星騎箕尾駐雲車立三不朽詔謀遠膺九重封
寵賚加遂有勲名傳國史緣多政績翊王家丁艱奪我賢侯去霜
冷榆城一縣花

重修雲龍山落成紀事

邑令 陳熙健

躡屐幾回凌絕頂遠瞻近矚總清虛雲烟杳靄天無際城郭參差
畫不如四面暮山新雨後一傳綫照晚霞初停琴待看松梢月月
色黃昏透綺疏

萬樹濃陰望不分小軒幽敞對斜曛濤聲散作千峰雨黛色堆成
半嶺雲颯颯音隨流水聽騷騷韻借晚風聞眠琴更有天然趣拂
地清蒼掃俗氛

野徑天斜在行石溪流水小橋橫巖花艷艷迎人笑澗草萋萋
夾岸生望去雲山皆秀淨坐來亭閣亦空明慙予自謫風塵後隔
看蓬萊幾萬程

案牘勞形百感縈得閒每作看山行松花滿地僧房靜香霧迷空
佛舍精不受塵埃侵半點自然心跡喜雙清何時重載凌雲酒風
月無邊更適情

雲根一脉瀉涓涓新汲山房手自煎
火藝松花烟篆細茶烹石乳
水珠圓香生蕙頰清於露冷沁
詩脾妙欲仙最是酒醒眠熟後
不須七碗已陶然

訪得石樓院藥太僕殉節井

魯燮光 邑令

大節光泉壤滄桑事莫論
先生真不死古井此長存
波咽長宏血石銜精衛魂
夕陽蔬圃裏誰認舊啼痕
井在張姓廢園中幾不可踪跡

朝坡村訪農家九老

內有百歲老翁

都是童顏鶴髮翁朝坡九老話
年豐百齡天假緣非偶五福疇
先典特崇自有田家風
茶樂不須朝籍姓名通
從今亦被君恩渥人

瑞齋開壽域同

前後虎峪村登山謁王尚書總憲二公墓

魯燮光

松風護設墓門清前後村傳虎谷名
掉揆褒題賢父子衣冠慢接
古公卿事賢轉服居邦晚論世
彌深尚友情泉壤有靈應匡我
要爭氣節到先生

九月重山謝雨人孟鳳樓登雲龍山

魯燮光

預作登高會同人出郭游官閒民事樂
地僻梵天幽古洞瀉寒淥
雲山入莫秋題名借謝孟少憩亦風流
荆王雲鳳嶺壁題各擬詩記遊於後

重九日同趙蔚堂大令登麻水雲龍山少秋

魯燮光

西溪探勝境東道話前緣結伴客常到登高吏亦然會逢重九日
小飲洞中天和翠落尊酒詩成醉欲眠

其二

才詣麻衣寺來尋玉欄橋塵襟容水浣逸興比雲起夕款澹山色
濤聲詐暮潮同儕商晚節珍重歲寒凋

九月朔有五日偕胡星輔大令登雲龍山

魯燮光

重九登高先四日叨陪知己作清游漫空雲影澹無際寒動松濤
翠半浮虎谷流風人地古龍潭欲雨暮天秋煮茶掃石閒題品細
認歸途月上鉤

陪侍魯瑤仙堂臺謝雨人參軍遊雲龍山辛和孟文福

難得群賢集登高紀勝遊連山雲氣滃古洞水聲幽葉落秋風老
台荒舊蹟留喜廢流水調餘響送溪流

餞楊春野卓薦入都詩

李枝茂

江西永寧人

仙鬼何事駐山城小試烹鮮亦播名果是循良邀帝眷卻從遺愛
著官聲懸魚性合羊君潔宰肉心如漢相平聖代即今宏考績惟
公端不愧廉明

其二

前人

曾自蓬山頂上來甘棠到處總花開雄馴已報三年最驥展原非

百里才製錦何人量玉尺彈冠指日上金臺慚余叨忝諸生列一
曲驪歌酒一杯

其三

慈君五載飲康泉適莫焚香夜告天鳴到琴聲清吏竇分將鶴俸
惠書田漫憐遠道三秋別尚覺虛堂一鏡懸長短亭邊爭作餞聽
時只道宰官賢

其四

宦索無贏莫浪誇蕭蕭行李上公車征帆鴻影秋風急驛路蟬聲
夕照斜捧日有心翻戀湖亭春乘興便還家預知潘令歸來候開

編河陽滿縣花

過寶帶橋入大明有感

楊曉昫

白蘋紅蓼水天秋萬頃波光一葉舟心定不知風順逆盞開蘭漿
放中流

通蘭路縣城十里泊山崖下有感

前人

斷岸楓林寂霜花冷釣紅孤舟明月夜有客話蓬窗

三月三日偕友登雲龍山作

劉洪開

字海門號
八邑侯

自我軍斯邑倏驚五月促報政慚未能遠敢聘游目終日吏舍拘
採葦理業牘抖擻襟上塵盈盈將十斛傍城有名山龍盤勢高轟

擁翠對衙齋終日看不足夕炊躡屐登高繼謝公踞有約遞復遞
無計假休沐暮春天氣融勸耕東郊逐乘興一登臨足音足空谷
佳節值重三同人約五六望望停鳴鞭茶煎酒正熟玉壺手自携
春泛杯振綵却此快流觴何必曲江曲一醉萬象忘高瞻兼遠矚
古剎倚峰腰虹橋亘山腹亭短復亭長松際露白屋不見雷音台
恒古情誰屬俯瞰三里城隱隱居林麓澗底烏時鳴壁間詩細讀
飲馬繫橋梁息樹僮童僕山深天氣寒尚未成春服解帶振衣襟
今日覺微燠源泉清冷冷我欲效沂浴一井大如拳澗迴潛流伏
潤物普恩賞請為斯氏祝調水取薪符我客真玉局老松千萬株

之而鱗簇簇風未起濤聲恍惚聞綠竹小憩偏亭台孤懷增感觸
故山多白雲清絕堪避俗安得買山資歸去紫松菊一官欲絆人
五斗慚竊祿大笑下崗來催詩忙刻燭

九月中浣陪賴刺史華峰重游龍山之作 前人

龍山佳氣鬱蔥蔥彌望蒼蒼透碧空萬樹種松三面翠一橋架石
兩崖通雲行澤偏敷霖雨酒載人宜醉晚風感我勞勞亭畔客嵐
光靜挹浣詩筒

其二

豈是吳山第一峰居然五馬得從容岡分左右中通澗亭列東西

半倚松俯視城垣臨下界愛尋靈井證仙踪憑陵莫謂高無際路
隔蓬萊尚幾重

其三

前人

幸陪驕從入山游三里城西曲徑幽拂石留心看舊句煎茶隨意
品清流雲開巖壁塵氛淨日照松亭晚翠浮事負當頭明月夕合
將佳會補中秋

楊春野先生贊

魏獻書

惟公之生邁跡循良惟公之死擔荷綱常公嘗有言死亦何妨驚
水螺山樓靈有方忠肝義膽日月爭光斯言既踐而又何藉乎骸

骨存七

吟四景詩

楊廷采

春風花草香遊賞過池塘踏花歸去馬蹄忙遊嘉客醉壺觴一曲
滿庭芳

首夏正清和魚戲動新荷西湖十景好烟波銀浪裏織金梭人唱
採蓮歌

秋景入郊墟簡編可卷舒十年讀盡五車書出白屋步銀渠漳潭
府中居

冬嶺秀孤松六出舞迴風烏雀爭棲飛上桐梅影瘦月朦朧人在

廣寒宮

謁王公祠

劉洪開

扶輿佳氣鬱太行篤生偉人應瑞昌氣節直得鏢千古聲名詎止
 震八荒餘韻流風遠彌著精靈始耀古祠堂春秋不斷四時藻朔
 望虔董一瓣香我未分符守茲土循例致祭慄趨踰俯拜遺像瞻
 靈爽仿佛質上臨在傍祭畢廣文陪座右後高玉汝前任臨汾襄陵儒學明德後
 裔達人望手持象笏席前獻佛拭至今騰精光寶器傳家尊彝鼎
 博殺合度式圭璋想見立朝垂紳際君前指畫氣激昂聞昔魏魯
 陳祖笏文貞遺意比甘棠物因人重古如此撫摩曷罄心寫藏考

公通藉嘗成化朝陽鳴鳳聲在同羈職京師性耿介遮莫郎署滯
 馮唐權勢要津恥干謁過門不入笑何妨公為京師又不調所知
 仍不入公獨無所饒理嘗培人當時奄宦正肆虐劉瑾好賄勢徼猖經經任譏昔人吞瑾
 日世言山西人吞果然公風節並頡頏承帝春隆心簡天曹四署偉烈彰弓冶箕裘世
 濟美三鳳河東令名揚公子雲鳳官至憲梁灝父子兼科第廬
 陵道德能文章有虎吞砥節抗疏昭肯綮清簡輝映永流芳一封
 朝奏夕下獄權閹凶跋那可當嘗上疏乞斬叔宦李朝臣申救蹶
 復振政績彪炳垂旂常先後宦成骸骨乞歸來槩澗肆徜徉虎峪

距城數十里道是先生游釣鄉幾回式閻深仰止清風山高水且
長大雅慨今更不作人物此邦凋謝傷願祝公靈默佑啟蒙俊代
出護梓桑居邦事賢恨生晚余心嚮往何日忘

庚戌重九偕孫通守緯生暨幕友任君載亭族兄寶琴
作登高遊偶感於此留題以誌

前人

重陽佳節此登臺城北山頭策馬來勝境麻衣經雨洗晚香黃菊
傲霜開萸簪異地偕兄弟石梯殘碑刻藟苦遐舉莫忘高處險休
還一醉潑新醅

其二

前人

孫登一嘯喜相遭秋圃家聲相國高孫為前相國文正公同族瓜印征鴻看港

歷業辭通燕感勞勞兒輩於月前歸里擊匏瓜及期誰代去志浩然送酒人

稀興自豪別有口號斷句云莫怪無人將酒送麻衣山上白衣稀心緒亂峯攢簇簇良辰強

屬字題糕

過八賦嶺吟

郭海林

林樾曾從八賦過征途迂曲傍山河懸崖萬丈人蹤少古樹千叢
鳥語多寂寞石闌凌絕頂縱橫澗水激清波著鞭快出崎嶇路行
到榆城奏雅歌

遊雲龍山吟

前人

步入雲龍望眼開青山招我幾回來橋名玉潤橫流水泉湧珠跳

點翠苔四面嵐光環古寺半林霞彩鎖荒台詩情到此真無限題
壁深漸裡句幾

遊雲龍山寺題

前人

登山尋寺入雲龍石磴盤旋歷幾重遙望巖花含笑意偶臨佛舍
憇遊蹤千年碑碣名人記數座亭台秀氣鍾憑眺不知天色晚一
輪明月照青松

榆城眺望

前人

百雉城頭長葢首登臨恰值曙光開三門峻峭依山厰兩水滌泗
抱郭來采食尚傳梁子界地基遙接趙王台當年賢宰知多少愧

我日非冶賦才

風槌石鼓

前人

俗傳石鼓韻逢逢不事人槌只借風彷彿周宣奇異制依稀魯匠
琢磨工鳴未全賴吹噓力響處漫施繫拊功可畏山花催早放餘
音綠繞滿林中

遊雲龍山吟

張夔典

策牘餘閒乘興遊雲龍山上暫勾留千層螺黛盤晴嶺萬壑松聲
帶雨秋無限烟霞舒醉眼多情花鳥賞吟眸此間好景堪圖繪携
到衙齋看不休

風樞石鼓

前人

一石玲瓏作鼓鳴，每因風至聽分明。依山孰使淵淵奏，應谷還須習習生。文字有無符鳥篆，聲音髣髴擊鼙聲。更天生神物，憑誰賞歌詠。願希韓子賡。

遊麻衣寺題

前人

入山尋寺訪麻衣，修煉名成古亦稀。護道明君無片土，燃燈尚
有餘輝。化身常把栴提伴，避谷知留姓氏非。香火年年傳盛祀，每
覩殘碑惜斜暉。

遊雲龍山吟

王樹倫

躡屐登山訪古蹤，寺門遠望白雲封。花依巖笑迎遊客，鳥為濤驚
噪碧松。僧舍佛龕空寂寂，層巒疊嶂秀重重。興來更欲寒湖去，指
顧斜陽掛晚峰。

頌大尹張友龍先生治榆善政題

郭海林

先生政略冠山兩，小試榆城喻割鷄。闕闕家聲宣化在，循良名譽
太行齊。五刑措置文明協，四字褒嘉匾額題。每值公餘談治理，同
僚才薄肯提攜。


次郭瀛東先生原韻

王樹倫

新政林立仿秦西，和平不驚犬與鷄。汾陽闕闕唐詩頌，晉鄙聲名

漢史齊武健除強狂敏速文明染翰士爭題同寅共濟染餘福滿
縣蔡元賴提揚

25468



原件收藏

山西省图书馆

原件书号

25463-68

原件状况

原件个别地方字迹模糊

[民國]重修和順縣志十卷

張夔典修 王五汝纂

民國三年石印本

六冊

本部书共摄制 1 卷 卷一至卷十

版权所有 不准复印

本部书完

本片卷含：卷一至卷十